

# Aplikasyon para sa Elektronikong Balota sa New York

## Impormasyon sa Pagpaparehistro ng Botante

Apelyido: \_\_\_\_\_ Pangalan: \_\_\_\_\_ Gitnang Inisyal \_\_\_\_\_

Address na may Kalye: \_\_\_\_\_

Lungsod: \_\_\_\_\_ Estado: **NY** Zip Code: \_\_\_\_\_ County: \_\_\_\_\_

Petsa ng Kapanganakan (MM/DD/YYYY): \_\_\_\_\_ Numero ng Telepono (Opsiyonal): \_\_\_\_\_

Email Address: \_\_\_\_\_

Ipinahahayag ko na mayroon akong kapansanan sa pag-print, na ang ibig sabihin ay anumang kapansanang humahadlang sa mabisang pagbabasa, pagsusulat, o paggamit ng naka-print na materyal, at pinipigilan ako ng nasabing kapansanan na independiyenteng makaboto gamit ang papel na balota, nang hindi bumibiyaha sa isang Lupon ng mga Halalan (Board of Elections) at gumagamit ng aparato sa pagmamarka ng balota. Sa pamamagitan ng pagsusumite ng dokumentong ito, pinatutunayan ko, sa ilalim ng parusa ng pagsisinungaling, na ako ay mamamayan ng Estados Unidos at may kapansanan at kinakailangan kong gumamit ng naaakses na elektronikong balota upang makaboto nang pribado at independiyente. Pinatutunayan ko rin na ako ay isang botanteng kalipikado at rehistrado (at nakatala, unang-una sa lahat) - at ang impormasyon sa aplikasyong ito ay totoo at wasto, at ang aplikasyong ito ay tatanggapin para sa lahat ng layunin bilang katumbas ng isang affidavit at, kung naglalaman ito ng makabuluhang maling pahayag, ay sasailalim ako sa mga parusang katulad ng kung nanumpa ako sa ilalim ng batas.

Lumagda Rito: X \_\_\_\_\_ Petsa: \_\_\_\_/\_\_\_\_/\_\_\_\_  
MM/DD/YYYY

**BABALA:** Dapat ay **mamamayan ka ng Estados Unidos** upang makaboto. Kung hindi ka mamamayan ng Estados Unidos, hindi ka bibigyan ng naaakses na balota. Ituturing na nagkasala ng misdemeanor ang isang taong gagawa ng maling pahayag sa aplikasyong ito.

Kung hindi makalalagda ang aplikante dahil sa karamdaman, pisikal na kapansanan o kawalan ng kakayahang magbasa, dapat ipatupad ang sumusunod na pahayag. Sa pamamagitan ng aking marka, nang may karampatang saksi sa ibaba, ipinahahayag ko na wala akong kakayahang lagdaan ang aking aplikasyon para sa naaakses na balota nang walang tulong dahil wala akong kakayahang magsulat dahil sa aking karamdaman o pisikal na kapansanan o dahil wala akong kakayahang magbasa/ nagmarka ako, o tinulungan akong magmarka kapalit ng aking lagda/ (Hindi pinahihintulutan ang bisa ng kapangyarihan ng abogado o mga selyong may nakatatak nang pangalan/ Tingnan ang detalyadong tagubilin.)

Petsa: \_\_\_\_/\_\_\_\_/\_\_\_\_ Pangalan ng Botante: \_\_\_\_\_ Marka: \_\_\_\_\_  
MM/DD/YYYY

Pinatutunayan ko, bilang ang nakalagda sa ibaba, na ang botanteng pinangalanan sa itaas ay naglagay ng kaniyang marka sa aplikasyong ito sa aking harapan, at alam kong siya ang taong naglagay ng kaniyang marka sa nasabing aplikasyon at nauunawaan ko na ang pahayag na ito ay tatanggapin para sa lahat ng layunin bilang katumbas ng isang affidavit at kung naglalaman ito ng anumang makabuluhang maling pahayag, sasailalim ako sa mga parusang katulad ng kung nanumpa ako sa ilalim ng batas.

\_\_\_\_\_  
\_\_\_\_\_  
(Address ng Saksi sa Marka)

\_\_\_\_\_  
\_\_\_\_\_  
(Lagda ng Saksi sa Marka)

## Tagubilin para sa Pagsusumite ng Form na ito

Upang masagutan ang aplikasyong ito gamit ang screen reading software, dapat mo itong i-download at dapat kang gumamit ng software gaya ng Adobe Reader. Puwede mong i-download ang Adobe Reader sa <https://get.adobe.com/reader>.

Sa paglagda sa form na ito, tatanggapin ng iyong lupon ng mga halalan ang standard text input bilang lagda ng botante. Kapag tapos nang sagutan ang form na ito, i-save at i-email ito, ipadala sa koreo o personal itong ihatid sa iyong lokal na lupon ng mga halalan. Makakikita ka ng impormasyon sa pakikipag-ugnayan para sa iyong lokal na lupon ng mga halalan online sa <https://publicreporting.elections.ny.gov/CountyBoardRoster/CountyBoardRoster> o sa pagbisita sa <https://elections.ny.gov>.

Ang takdang petsa para sa pagsusumite ng form na ito ay 10 araw bago ang halalan, pero dapat mo itong ibalik kaagad hangga't maaari.

Pagkatapos mong isumite ang aplikasyon, magpapadala sa iyo sa email ng naaakses na elektronikong balota. Magpapadala sa iyo sa koreo ng isang kalipunan ng mga pambalik na sobrenang may nakalagay nang address at nabayaran na upang magamit mo sa pagbalik sa iyong balota sa lupon ng mga halalan, o puwede kang gumawa ng pambalik na sobre sa pamamagitan ng pag-print sa mga template ng sobre na ipinadala sa iyo sa email kasama ng iyong balota.

Sagutan ang balota, i-print ito, ilagay ito sa sobre, at lagdaan ang likod ng sobre. Tatanggapin saanman sa likod ng sobre ilagay ang lagda.

Upang maibalik ang balota, dapat itong personal na maihatid sa iyong lokal na lupon ng mga halalan hanggang 9 PM sa araw ng mga halalan o ipadala sa koreo upang ito ay ma-postmark nang hindi lalampas sa araw ng halalan at matanggap ng lupon ng mga halalan nang hindi lalampas sa 7 araw pagkatapos ng halalan.